

讀史方輿紀要卷九十六

元瑞去楫校定

錦里龍萬育燮堂校刊

福建二

福州府

東至海岸百九十里南至興化府二百八十里西南至泉州府五百里西至延平府四百有里北至福寧州五百四十五里自府治至京師六千一百三十三里

禹貢揚州之域周為七閩地秦置閩中郡漢初為閩

越王國元封初平閩越屬會稽郡後漢因之通典後漢置侯

官都尉屬會稽郡似未可據三國吳屬建安郡晉太康三年始置

晉安郡宋因之志云元嘉中改昌國郡謬又云秦始四年改晉平郡今宋志亦不載齊

梁亦云晉安郡陳兼置閩州尋廢後又置豐州隋平

陳郡廢改州曰泉州大業初復曰閩州三年又改建

安郡唐武德六年仍曰泉州景雲二年改曰閩州并

中都督府督閩開元十三年又改為福州依舊都督府仍置經

督福建汀泉四州天寶初曰長樂郡乾元初復為福

州新唐書至德二載置經畧軍寧海軍於城內元和六年廢又元和中置福建觀察使領福泉汀建漳

五州乾寧三年升為威五代時王氏據有其地梁貞

武節度使以授王潮明六

年升為大唐長興四年閩主王延鈞升為長樂府晉

部督府開運二年王延政號為南都也時延政并有閩地三年

屬於南唐明年為吳越所取仍曰福州威武軍周

仍為福州亦曰長樂景炎初升福安府元為福州路

都威武軍

讀史方輿紀要

卷九十六

福建二

敷文閣

明朝洪武初改為福州府今領縣九

府西阻重山東帶滄溟南望交廣北睨淮浙亦東南一都會也然而延建諸郡控我咽喉福寧一州扼我項背興泉諸郡伺我肘腋揚帆突至則有海道之虞踰險懸馳實切上游之懼封疆不可憑山谿不足恃國門以外皆戰場也三山之險誠不在近郊而在四境矣宋蔣之奇曰八閩之地長樂郡為冠以其地肥衍民殷富而濱海足以自固也噫是豈折衝之長策哉

閩縣附郭在府治東南漢置治縣屬會稽郡後漢時廢建安初置侯官縣三國吳屬建安郡晉太康三年

紀要

讀史方輿

卷九十六

福建二

敷文閣

析置原豐縣為晉安郡治沈約云省建安典船校尉置也宋齊時屬晉安郡梁曰東侯官縣仍為郡治隋郡廢復改縣曰原豐開皇十二年又改為閩縣自是州郡皆治此五代唐長興四年王氏改為長樂縣清泰二年復舊晉天福六年復曰長樂吳越得之仍曰閩縣宋因之今編戶百八十里

侯官縣附郭在府治西南漢為治縣後漢末曰侯官縣晉屬晉安郡宋為郡治齊因之梁陳間省入東

侯官縣唐武德六年復析置侯官縣八年省長安二年復置元和三年又廢五年復置五代唐長興四年王氏改為閩興縣清泰二年復舊宋因之今編戶百八十里

福州城志云故治縣在府治北吳錄云越勾踐治鑄處也亦曰安民王治或以為閩越王治鑄處

非是漢初閩越國都治蓋因舊趾而名武帝平閩越徙其民於江淮間後有遁逃山谷者稍復出因立為治縣治漢志譌作治或謂之東治後漢志不載治縣相傳建安初置侯官縣史亦未載也二十國春秋孫策改會稽太守王朗朗戰敗於海平東治策追擊大敗之侯官長南升為朗朗起兵策尋遣

紀要

讀史方輿 卷九十六

福建二

三

敷文閣

兵討平之是建安初已有侯官縣也侯官蓋卽治地矣孫休永安三年黜其兄會稽王亮為侯官侯於道自殺是年置建安郡通考閩越王無諸開國都置原豐縣為晉安郡治通考閩越王無諸開國都治依山置壘據將軍山歐治池以為勝晉太康四年太守嚴高以故城狹隘將移於白田渡嫌非南向乃圖以咨郭璞璞指越王山南小阜曰宜城於此卽今郡子城也梁陳間為東侯官縣隋唐為閩縣州郡皆治此城邑考今府城唐中和間觀察使鄭鎰修拓郡城東南隅城北起小阜南至虎節門東起康泰門稍西至宜興門東南至定安門西南至清泰門是曰子城文德元年觀察使陳巖復修築天復元年節度使王審知築重闕於虎節門外名鎮閩臺又名龜門宋祥符中改曰還珠門俗呼雙門又於子城外環築羅城設大門八便門九水門三南利涉門一名福安門東南通津門俗呼青樓門東海晏門一名清平門俗呼雞鴨門東北延遠門一名通遠門北永安門一名濟川門西北安善門西豐樂門一名善化門西南清遠門初以豐樂門為子城與清遠門接故中間又有金斗門五

代梁開平元年審知又築南北夾城謂之月城南大門一累甃設懸門外便門六水門二濬河以通潮北大門二便門二一云南月城大門二曰登甯道清北月城大門二曰道泰日嚴勝舊志云南寧越門卽今南門東南美化門又東設水關亦名水步門北嚴勝門劉宋時有嚴勝者居此好施於人而名也卽今北門西北昇山門至宋政和間改為遺愛門以元絳為郡守有德政而名也西迎仙門卽今西門蓋有六門云石晉開運三年南唐將陳覺自劍州遣兵襲福州攻其西關為李仁達所敗唐主遣王崇文等會兵進攻其外郭仁達固守第二城既而福州降將馬捷引唐兵自馬牧山拔寨而入至善化門橋州兵拒之仁達退保善化門外城再重皆為唐兵所據唐兵尋復進據東武門內外皆絕明年城入於吳越東武門卽海晏門也閩主曦所改宋開寶七年刺史錢昱又築東南夾城南自合沙門西至怡山門東自行春門北至湯井門又東南有通仙門東北有船場門是曰外城合沙門一名光順門在寧越門之南太平興國二年錢氏納土詔盡燬其城皇祐四年詔漸次修

治熙寧二年郡守程師孟據子城舊基修築復增拓其西南隅八年郡守元積中甃以重甃紹興初郡守程邁始發石累于城虎節安定豐樂康泰元甕門設敵樓其上咸淳九年嘗增築外城元至元中復墮廢至正二十四年陳友定稍繕完之明朝洪武四年駙馬都尉王恭因舊址修砌以石六年增修北跨越山為樓曰樣樓即今鎮海樓東西南則因外城遺址繞九仙烏石之麓而圍之城周十九里有奇成化十九年風雨摧壞尋復營葺嘉靖三十八年亦嘗修治今有門七南門即故夾城寧越門也北門舊北夾城嚴勝門也東門舊外城行春門也西門舊北夾城迎仙門也東南仍曰水部門東門北曰湯門即湯井門也西北曰井樓門即故船塢門也又舊時子城羅城夾城外城皆有濠今城有水關四其水源一自南臺東北江崖開河口通潮北流自水部門水關入城一自洪塘江引流經西禪浦由西門水關入城縈迴曲折流繞城中南北門湯門二水關以洩城中潦水又城東西南皆有濠北面連山不通水源也

讀史方輿 卷九十六 福建二 四 敷文閣

侯官故城

府西北三十里後漢末置侯官縣或曰府西境梁改置東侯官縣以侯官并入焉唐武德中復析閩縣置侯官縣蓋治於此逼臨江滸貞元五年為洪水漂沒八年遷入州郭今故址名侯官市亦曰侯官閣五代晉開運二年南塘陳覺擅命攻福州自劍州緣江東下李仁達將楊崇保帥舟師拒之覺等敗之於侯官乘勝進攻福州西關為仁達所敗此侯官也

懷安廢縣

在府治西北木關縣地宋太平興國六年析九鄉置懷安縣初治芋原江南北三十里咸平二年移治石岳廣故驛為縣治東南去州城二十五里元至元二十二年遷於縣西尋復故明朝洪武十二年移入郭內

越王山

在府城北半蟠城外東聯冶山一名屏山以形若屏展也亦曰平山又名泉山以山有清泉池也閩越王都治山前麓故曰越王山其東南麓唐時有左衙宣毅廣節諸營故亦名將軍山西麓曰馬牧山即南唐攻福州時自馬牧山拔砦而入處也山之南有歐冶池相傳歐冶子鑄劍處池

周數里今多湮閩志治山在郡城東北其高阜口
將軍山蓋即越王山支隴矣○九仙山在府城內
東南隅今名於山相傳漢武時有何氏兄弟九人
登仙於此因改今名一名九日山閩中記無諸九
日宴集之所也上有鼈頂峯又有平遠臺平曠可
以望遠又烏石山在府城內西南隅與九仙山東
西對峙唐天寶八載改曰闕山宋熙寧間郡守程
師孟改曰道山有葢老峯鄰霄臺諸勝三山皆在
城中故郡有三山之名

鼓山

府東三十里延袤數十里郡之鎮山也山之南
麓屹峙江濱為戍守要地頂有巨石如鼓因名
其最高者為大頂峯一名另崩峯正東可望海中
又有小頂峯與大頂峯相去二里其餘峯頂巖洞
之屬稱名勝者不可勝記○東山在府東十里舊
有東山寺陳天嘉二年虞寄避陳寶應之亂居東
山寺陽稱是疾是也山有獅子峯榴花洞諸勝又
金雞山在府東三里相傳秦時以望氣者言嘗鑿
此山其相近者曰茶園山山南為寶月山皆在平
原中五代唐長興二年王延稟自建州襲攻其主

讀史方輿

卷九十六

福建

五

敷文閣

麟將王仁達伏兵殺其子繼雄延稟走至是被
執又府東二里曰長樂山本名白馬山王閩時改

釣臺山

城南九里崇阜屹立俯瞰大江舊記漢東越
王餘善於此釣得白龍以為已瑞因築壇曰
釣龍臺後人呼為越王臺今亦名南臺山建江經
此曰南臺江五代周顯德三年南唐建州帥陳海
敗吳越兵於福州南臺江明初湯和自明州渡海
攻福州奄至五虎門駐師南臺福州遂下今為屢
市山去江百餘步○平山在府東南三十二里志
云城東南三十里有鳳山鼓山之支隴山其東為
平山宋少帝城海時駐兵於此剷平其頂因名又
羅星山在府東南五十里馬江中登之百里內諸
山皆在左右為遠近奔流之砥柱又南五里曰大
象山其山巍峩廣大為城南之巨障有峯曰銀峯
下瞰馬頭江江之南曰白田山即晉嚴高欲遷城
處也又九龍山在府東南六十五里九峯插天狀
若龍騰下有潭
潛通馬頭江

方山

府南五十里端方如几城南望之勢若五虎一
名五虎山高千仞四面如城郭其峯曰天柱峯
跨閩侯二縣界元末陳友定遣兵駐守今谷口有
岩門甚隘其中平曠數頃溪流屈曲登山有石梯
嶺路僅尺許懸崖斷壑削如羊腸行數里而達山
巔為福州巖平坡一望遠近諸山皆若培塿山陰
又有靈源巖多橋榭唐天寶中賜號甘果山舊志
方山羣峯百六十巖嶼之屬得名者復十餘處其
西麓小山曰仙崎亦曰陰崎與陽崎隔江對峙元
吳海云建江別流南循方山以會於長隘臺江舊
有浮橋延祐中創石橋以濟行者然淫雨泛溢鳳
岡百里輒為巨浸新隘陽隘為江流四折之衝舟
濟者又有隧風漂溺之患鄭君潛適寓瓜山營二
舟一自白苗濟陽隘一自新隘濟陽隘行旅便之
謂之義渡里人謂之鄭公渡新隘陽隘即陰崎陽
崎也方山之西又有瓜山以三巒如瓜而名又西
曰古靈山羣峯奇峻一名大帽山又名席帽山有
石室甘泉諸勝○雲門山在府東南七十里多松
竹泉石之勝

讀史方輿

卷九十六

福建二

六

敷文閣

壽山

府東北六十里產美石瑩潔柔潤蓋珉也距山
十餘里有五花石坑以石有五色而名其並崎
者曰芙蓉山秀麗若芙蓉別麓有洞曰靈洞巖甚
深邃亦曰芙蓉洞又有九峯山在城北五十里有
嶺曰長箕嶺一名長岐嶺又名桃枝嶺路出羅源
古田二縣志云山峯頂九出圓秀峭拔與芙蓉壽
山並稱三山又東窰山在府東北三十里志云古
戰坂也五代晉開運中南唐兵與李仁達戰於此
○蓮花山在府北二十里下園上鏡形若菡萏郡
之主山也五代唐同光三年閩王審知卒葬鳳池
山長興三年改葬蓮花山其相近為西室山亦秀
拔又北有梧桐嶺甘蔗生焉五代晉天福四年閩
人作亂王景出北關至梧桐嶺為眾所殺即此又
西有拜郊山相傳閩越王燿柴處也志云府北十
五里為昇山一名飛山相傳越王勾踐時山從會
稽飛來今有飛來峯其西為鳳池山又南為五峯
山旁連大鵬山聯翩高聳稍南為羅峯山石晉天
福二年方士言於閩王景有白龍夜見此景因作
白龍寺又城北有龍腰山即越王山之北麓矣

雪峯山

府西百八十里高四十里盤踞侯官羅源古

鳳凰岡烏石嶺諸勝最高者曰雙髻峯王閩改今名有

舊在雪峯寺石晉開運二年李仁達作亂據福州

迎雪峯寺僧卓巖明稱帝是也三山志山峯巒險

拔巖谷幽邃四面環岡隴層疊未冬或雪盛夏

無暑水西勝處也○旗山在府西五十里透迤欽

側亘十餘里高數百仞與鼓山東西相望郭璞建

州紀右旗左鼓全閩二絕是也山之南麓曰太平

山十國紀年王延翰葬於此又石門山在府西六

十里兩崖壁立中貫清溪有石門峽大江泛漲數

為田廬患萬歷十八年侯官令周兆聖塞之而患

息下有阜曰起山山下有十

四門橋以醜水十有四道而名

五虎山府東百里大海中有五虎門與江口相接明

巡司置於此相近者有浮江山亦曰交筆山對峙

者曰王埔山居民皆以捕魚為業又琅琦山亦在

府東海中一名羅崎山其

旁又有清洋福斗諸山

讀史方輿卷九十六 福建二

七 敷文閣

紀要

北嶺

府北三十里路通連江縣懸崖而躋高幾千丈

宋嘉祐三年侯官令樊紀夷高首曲培凹續陷

嶺失故險今為往來通道又北行十餘里為湯嶺

亦險峻○常思嶺在府東南百二十里高數百仞

表三里許一名相思嶺閩縣東南盡處也又東南

至福清縣六十五里為接壤處又鳳岡在府西南

濱建江志云江水環繞處為村阜三十六而鳳岡

最著岡首起城南三十里尾盡城西二十里居民

遍植荔枝多

至數百萬株

海

府東南二境皆濱海唐志閩縣東五里有海隄太

和三年縣令李茸築先是每六月潮水鹹鹵禾苗

多死隄成瀰溪水殖稻遂成良田又海防考福州

境內有閩安鎮東定海關下娘媽宮濂澳鑑江館

頭小埕牛田東營後瀛松下大小社諸

處皆海口登犯之衝而備禦之所也

閩江

府城西南七里自建寧延平二府境流經古田

沙驛亦曰馬瀆江亦曰螺女江雪峯山以東諸溪

之水皆流合焉南流分二派一派自北而東歷侯

府城西南七里自建寧延平二府境流經古田

沙驛亦曰馬瀆江亦曰螺女江雪峯山以東諸溪

之水皆流合焉南流分二派一派自北而東歷侯

官市至芋原驛濱江有石崑山亦曰石崑江又南
至府西七里曰洪山江亦曰洪塘江經城南七里
曰金鎖江又南經釣臺山下曰南臺江亦曰白龍
江又東南經鼓山下而東出匯為馬頭江一派自
西而南經府西南三十里高蓋山又南至坊山北
曰淘江亦曰瀨江又名黃江亦名黃岸江循山西
麓又南至仙崎山曰仙琦江亦曰陽崎江亦曰湯
岐江復折而東流二十餘里曰峽江經府東南五
十餘里接馬頭江又東為琅琦江至五虎門以入
於海志云馬頭江為閩縣極南界西北眾流悉入
焉風濤洶湧中有巨石形如馬首隨潮隱見為行
舟患大抵閩江上流至馬瀆漸廣而緩馬頭當眾
流入海處勢尤浩瀚

西峽江

府東南六十里受永福縣印溪之水流經此
接仙崎江又東流十餘里東峽江亦流合焉

東峽即南臺下流也亦曰峽江兩山夾峙上合諸
水下通潮汐濶十餘里其深叵測中流有石如底
柱名浮焦石下有潭龍潛其中俗謂之烏龍江又
東十餘里即馬頭江矣○上洞江在馬頭江北岸

讀史方輿

卷九十六

福建二

八

敷文閣

紀要

南岸又有下洞江又有大定江在南臺江南岸又
澤苗江在陽崎江西岸原出永福縣府西北浯溪
浩溪之水皆流入焉東注陽崎江志云府東南又
有演江源出山谷間一名蜆源又有浯江在府西
南即黃岸江也江濱有巨石橫浸

大目溪

府西北五十里出古田縣界其南為小目溪
出永福縣界皆西北流注於馬瀆江○桐溪

在府西北三十里俗謂之洞口其相近有陳塘溪
俱流通大江又沙溪在府西北二十里流經芋源
驛入大江中有沙湧成洲因名又黃石溪在府西
北經白沙驛入大江舊志以為崑江蓋即石崑江
上流也

蒙溪

府東北五十里源出連江縣界又有仁溪亦出
焉西流經府北入於洪塘江又黃溪出府北黃

巖山西南流注延澤浦亦入洪塘江○吳山溪在
府西南三十里源出永福縣之印溪下流入陽崎
江又義溪在府東南七十里
出福清縣界達於西峽江

西湖

府西南三里晉太守嚴高所鑿引西北諸山溪
嚴高所鑿引東北諸山溪水注之周二十里二湖
與海潮汐通引流溉田為利甚溥唐貞元十一年
觀察使王錡又開南湖於城西南五里廣二百四
十步接西湖之水灌於東南後王審知於子城外
環築羅城及南北夾城皆取土於西湖旁湖周至
四十里閩王麟因築臺為水晶宮周圍十餘里又
引湖水入宮為浴馬之所障其流為清水堰宋慶
歷間東湖漸淤西湖亦為熙寧中郡守曹穎叔程
師孟相繼修築嘉祐二年蔡襄復請濬治淳熙中
趙汝愚復請濬西湖上言西湖舊接濠而通南湖
儲蓄灌溉早潦瀦洩民享豐年之利自為蠶絲者
障塞早潦皆害乞於農隙稍尋其舊從之繼復建
閘其上因舊名曰澄瀾明朝萬歷中亦嘗疏濬作
水關以通水中有孤山築亭為勝其後日就淺隘
志云昔時西湖蓄水置閘灌民田千五百餘頃與
東南兩湖俱有宣洩之利宋末東湖漸塞南湖遂
堙今西湖亦同池沼矣又有石湖
在府東陳湖在府南今皆湮塞

讀史方輿

卷九十六

福建二

九

紀要

洪塘浦

府西十里舊志云浦自石邑江東經巖瀆至
柳橋以通舟楫唐貞元中觀察使王錡所開
今浦湮其浦口亦名萬安山口今有洪安橋成化
中建石梁二十餘門萬歷以後屢經修葺為津梁
要會有洪塘稅課局國初置又西禪浦在城西南
其地有怡山亦曰西禪山浦經其下即洪塘江之
水引流而東為三十有六曲經城西
為西南城濠又分入西水關處也

白蝦浦

在府南五代漢初南唐圍李仁達於福州吳
越將余安自海道赴救至白蝦浦海岸泥淖
布竹簣而前既登崖奮擊南唐兵大破之或曰白
蝦浦即白龍江別名也又有直瀆浦舊從江岸開
河口通潮北流至故海晏門為灣橋浦又北通於
東湖今亦廢郡志南臺江舊自河口引而北繚繞
三十有六曲為城南濠分引自水步門水關宏治
中鎮守內臣鑿新港遂失故轍云○晉浦在府東
南昔時近城水渚處也州人多就浦罾魚故名石
晉開運三年南唐兵圍李仁達於福州仁達求救
於吳越吳越兵至自晉
浦南潛入州城即此

敷文閣

甘蔗洲 府西北二十五里橫亘江心居民皆種蔗為

湍流迅急壅而成洲周迴二十餘里居人隱然

洲也○投挑洲在府東南馬頭

閩安鎮 府東四十里有巡司洪武二年置為會城東

安鎮有兩口一東出雙龜門外遠壺江五虎南

出琅琦門外遠廣石梅花閩安為江海之鎖鑰而

會城之門戶也嘉靖中倭寇突犯閩安參將尹鳳

五縣砦 在府西北五十里有巡司元置明朝因之志

五縣界因名又竹崎巡司在府西北六十里濱江

正統六年置○古嶺砦在府東有兵戍守為濱海

之備志云閩縣東有塘頭塘灣翁崎

等民城皆嘉靖中創築以捍倭寇

三山驛 在府治西南府西北二十里日芋源驛又西

北六十餘里曰白沙驛又西北六十里至小

箬驛以小溪名又四十五里接古田縣之水口

驛皆建江所經之通途也○柔遠驛在水部門外

萬壽橋 在府南跨南臺江上長三百餘丈石梁水門

修葺俗名大橋郡境之橋以十百丈計者不可勝

紀萬壽橋與洪山橋尤為雄壯云○陽崎渡在府

西南五十餘里即鄭公渡也萬歷四十年按臣陸

夢祖以峽江渡險改官道出此明年以路不便乃

復用舊道舊有陽崎稅課局明初置里道記今從

南臺二十里至吳山有公館又南至雞母嶼置一

浮橋由雞母嶼渡江抵蕭家道

登岸又有公館自此達大田驛

長樂縣 府東南百里南至福清縣百里北至連江縣自

紀要

敷文閣

讀史方輿 卷九十六 福建二

年改曰長樂元和三年省入福唐縣五年復置仍屬福州五代梁乾化元年王氏改曰安昌唐同光初復舊長興四年又改侯官曰閩興而以縣為侯官縣三年復故宋仍屬福州今編戶百十五里

新寧舊城 邑考縣城明朝宏治三年築嘉靖三十二年始增拓之三十七年復增修崇禎十四年復營治城周七里有奇

六平山 縣治北一里蜿蜒六曲旁有四明石臺二山又北曰石首山巔有巨石巍然又前山在縣南半里稍西曰登高山南山之南有五峯並峙曰

五馬山 又南有三峯山○七巖山在縣西南三十里上有七巖其北則諸山環峙圍繞如城亦曰羅

山其地亦名羅城相近者又有溪湄山頂有湖廣五畝冬夏不竭謂之珠湖志云七巖山之北最高者曰牛壘山四面小山環抱中有平田百餘畝

越王山 縣東北三十里山高聳周迴三十里相傳越最高者曰太常山左接籌巖山並為聳突太常之陽有嶺曰風門陰有嶺曰浮崎嶺凡三十六灣接

讀史方輿 卷九十六 福建二 十二 敷文閣

紀要

閩縣界○龍泉山在縣東南二十餘里中有卧牛仙冠品石梯雲蓮花共五峯並高聳其南又有羣峯連接最著者曰福湖山又屏山在縣東南四十里挺秀干雲又東南十里曰靈峯山其麓曰龍龕山一日天池山與屏山競勝志云縣東又有鶴嶺西通縣治東出雲洞大路達丈石梅花等處為北鄉一帶

御國山 府東七十里躡峙海濱高出雲表儼如捍衛夷船入貢每視此為準俗呼牛角山又有鍾

門山在海中當舟行之道有小嶼如鍾○壺井山在縣東六十里濱海山垂有一井狀如壺湖至則鹹潮退則浚上有巖石聳峻俯臨滄海名百丈巖其旁峯巒巖嶼不一迤東則羣山錯峙又有王母礁在壺井山南二礁對峙海中宋

末楊妃負福王益王航海時經此

海 縣北五里又縣東南東北境皆濱海山港澳嶼回環為險海防考縣西北閩安鎮五虎門諸處實為

省城門戶東北方石梅花所突入海中與連江縣定海所相對亦省城右臂也自梅花至松下巡司

讀史方輿

卷九十六

福建二

三

紀要

敷文閣

中歷十一澳皆東沿大海波濤衝激並岸水淺寇船難近獨松下漸南與福清接壤廣浙商船往往泊此海壇包其東南亦有觀音澳蘇澳可以暫憩故松下之備宜豫新唐書縣東十里海堤唐太和七年閩邑令李茸築立十斗門以禦潮且為早澇之備於是境內遂成良田宋時嘗因舊址修築馬頭江縣城西北半里自閩縣流入境江面益濶又風潮之阻志云由縣城西北入馬江口太平港舊名吳船頭相傳吳王濞造船處似悞蓋吳越遣兵入閩嘗泊舟於此也明朝永樂中太監鄭和由此入海改曰太平港又梅花江在府東北五十里近梅花所城亦曰梅江亦曰梅花澳嘉靖三十八年倭賊犯會城旋自洪塘江出洋參將尹鳳追敗之於梅花外洋即此又北曰石江亦曰石澳宋末陸秀夫張世傑奉二王從此入閩安鎮處也相近者又有後山澳皆與大海相吞吐○松下江在縣東南三十里東通大海西通福清縣亦曰松下澳相近者曰大社小社壺井澳又東北有磁澳江中有東壺井山下亦曰壺井澳又東北有磁澳江中有

孤山峙海中分東西南北四澳可避風海舟常泊此志云府東有洽嶼澳又東有仙岐漳港門口黃岐等澳又有漳坂澳皆海潮洄洑處也

大溪

縣東南三十里源出福清縣境分流至此縈紆四十里海濱志云源出福清縣之鏡嶺流至小社澳入海○三溪在縣南亦出福清縣界一名鼎溪志云縣南有星溪亦名蠟溪又有中溪沙坂後洋溪縣東又有龍下大社宏源諸溪東北有觀音資聖黃弄竹林等溪下流分入於江海

元祐港

縣東南三十里宋元祐中令袁正規以縣境於海因名其相近有卓嶺港舊亦入漳港元大德初濬入縣東四十里陳塘港入海志云陳塘港宋木陳文龍築田砌塘因名水源自海花山而下會東西濱瀆湖并七十二洋之水 downstream 又縣南有沙京港亦名普塘港又有嶺柄等港皆引水溉田下流入海

嚴湖

在縣東北一名西湖陳大建初里人嚴光捨田

阜曰蠡山後漸堙明朝正統十年縣民劉彥良言

本縣嚴湖周圍二十餘里南接稠庵溪西通倒流

溪旱則引稠庵溪入湖溉田雨則疏倒流溪以防

其漲近者湖岸坍決溪流湮塞不能積水防旱雨

至田或涇沒又有張塘涵塘前涵大塘涵陳塘港

其利弊亦如嚴湖乞救有司疏濬為民便從之未

幾復廢又濬澗湖亦在縣東北唐天寶五載沙合

為陂大歷中里人林鷗因捨田成湖周千三百餘

丈灌漑民田後復不一隆慶四年復舊尋廢崇

禎八年又復為湖其相近又有林婆湖亦天寶五

載沙合而成周三百五十丈與濱澗相通○延祥

湖在縣南三里宋元時故址明朝正統中修濬深

廣湖夕往來可通舟楫又南數里有桃坑湖舊周

五百餘丈五代時王閩所鑿今名桃坑湖又南有

橫嶼湖亦唐宋時故址周

三百餘丈今故址猶存

松下鎮縣東南三十五里有巡司洪武初置於福清

縣海口二十年移置於此為長樂之咽喉福

清之門戶嘉靖二十七年倭賊自松下突入海口

澳登陸攻福清之鎮東衛官軍力戰乃遁去三十

九年議築城未就崇禎中始成之周二里有奇有

紀要

讀史方輿

卷九十六

福建二

十三

敷文閣

黃崎寨

縣東北四十餘里志云縣有仙崎寨廣石寨

近大社澳俱為濱海之備○錦橋在縣東南跨元

祐港上宋淳熙十二年建石梁十五間長五十丈

又於橋西築海為地三畝許以固橋道亦名石梁橋

福清縣

府東南百二十里東北至長樂縣百里西南至

興化府百二十里本長樂縣地唐聖歷二年析

置萬安縣天寶初改曰福唐五代梁開平一年王氏
改爲永昌縣唐同光初復曰福唐長興四年王氏又
改曰福清縣志云石晉大福七年避諱改福唐曰南
臺蓋不知閩之改爲福清而遷改也宋仍爲福清縣
屬福州元曰福清州明朝洪武四
年復爲縣今編戶百二十三里

福清故城 縣東南二里明朝嘉靖三十三年始置城
於此三十七年復增築旋陷於倭萬曆二

十一年議改城於西北三十年益徙
而西去舊址四百丈城周六里有奇

靈鷲山 屏峯稍西曰金山也亦曰鷲峯山其巔曰玉
屏峯稍西曰金山也亦曰鷲峯山其巔曰玉

甲寅以島夷蒞閩始議築城時師環其疆倉皇畢
市北傳高山西跨閩巒東逼陵阜賊登阜而攻若

對壘焉從東望西周垣畢睹我之虛實較若列眉
戊午之變賊據北山俯而瞰城每發輒斃日未移

晷萬室蕩然論者咸爲城咎萬歷癸巳宰邑者乃
更闢而城之跨北山而臺其上移西城山之半包

岡縈澗縮東城遶阜爲臺以當敵衝而城始可恃
云○玉融山在縣治南五里以山石融潤而名西

詩史方輿 卷九十六 福建二 敷文閣

爲雙旌以兩峯峭立如旌也東爲五馬以五
峯騰躍如馬也其東麓曰覆釜亦以形似名

瑞巖山 縣東南二十里山多巖洞諸勝又郭廬山在縣
東南二十里山多巖洞諸勝又郭廬山在縣

並稱奇勝巖石回環幾數十里山下有牛田塲嘉
靖三十四年倭攻鎮東衛參將戚繼光大破之於

此又東數里曰東營山周環皆海亦嘉靖中戚繼
光破賊處○龍山在縣東二十餘里一名瑞峯山

海口鎮東二城在焉巔有石塔可觀海日又烽火
山在鎮東城西海道有警燔燧於此山頂嵌巖其

狀如屋凡三十六間名曰虎屋其旁又有鹿角山
山有仙井深不可測又東爲網山去海口三里

民網罟處也相近者曰鍾山志云鎮東城東有拱
辰山三峯並起勢皆北拱俗呼牛角山下有石洞

風出其中深杳難入相接者
又有龍卧山斂石山皆並海

石竹山 縣西二十四里山多竹樹青蔥插天巖洞泉
石奇勝林立無患溪出其下志云石竹山

有宋時軍寨又西有古屯軍亂時邑人屯守之
又瓜山在縣西四十里宋末邑人林同與劉屯祖

共起義兵元兵至迎戰於此敗沒志云山近磨不
舖連延諸山皆稱西山○靈石山在縣西南二十
五里其山磅礴百里峻拔千仞層林積翠飛泉漱
玉有三峯九疊之勝又黃蘗山在縣西南三十里
上多蘗木有十二峯層巖飛瀑周
圍數十里其勝者曰龍潭乳香巖

白嶼山

巖竇天成下瞰滄溟浩無涯際昔有僧鴻休
者居此而名其相連者曰雙嶼以二山突起海中

也中有井甚甘冽旁有山曰壁頭山又金山在縣
東南百里居民繞山麓而前後左右皆海也又東
南十里曰萬石山巖洞瓊瓏洞之廣者可容萬人
而千百人者不可數計又

海壇山

縣東南七十里海中周七百其山如壇南
北長而東西狹上多雲氣亦名東嵐山唐牧

馬地後漸有寺宇宋初置牧監尋以駑騁罷皇祐
中許民耕墾淳熙中有三千餘戶其山南曰黃崎
曰紫閣曰牧上曰岩頭曰沈頭曰大小鼇網有三
十六派湖環繞峯巒如畫宣和以後大雨雹湖皆

讀史方輿

卷九十六

福建二

十五

敷文閣

決入於海近塢有大小場許頭及錢藏皆為泊船
澳遶東高者為軍山王氏時謫戍多居此其間曰
浚門曰獺步曰廣州堍曰流水隔東江曰小牆小
牆北曰十二藍焦東牆北曰白兵焦大桑小桑兩
桑間曰桑門而兩牆間為鷓鴣門是外極東之島
而舟不可行矣迤南有南匿里亦曰南匿嶼舊產
鹽宋於此設巡司其北有沙澳亦曰蘇澳又有沙
溪行一日皆沙而澳當海口為寨又五里西抵鍾
門亦曰鍾山嶼玲瓏如鍾菰蒲四圍海水鹽鹵而
此泉獨淡近嶼石高二丈狀如媪東南瞰石方二
十丈其中井泉與潮候應取水者集焉亦船舫之
都會也半潮抵磁澳則為長樂縣界又有草嶼唐
嶼皆近於南匿南匿阨隘且風多不宜樹一曰大
姨山當日未出時極望有如空青微露水面為小
琉球國海水深碧東流不返莎蔓如紐柁不容轉
必剗木為孟乃能旋開浮沙以濟暴風不風逆者
往往漂至於此中國人為其所得以藤貫其足令
之耕作故此山昔忌夜火恐其國望之而來也是
為東角洋蓋岐海之窮徼矣又有支山曰水馬山
有石如舟帆亦名石帆山相近者曰霸前曰金崎

頭此海壇之西麓也海防海畧壇山盤踞聳峙迥出海上故元時民戶嘗滿四萬多以魚為業中有西湖相傳嘗產龍駒湖之東羣山環互不可勝紀外隔小琉球三晝夜內通海口至縣僅一湖中間以蒨蘆澳多魚碧沙洋產人參其百而足其著者曰蒨蘆澳多魚碧沙洋產人參其百而足其著者鎮街衢園圓景物繁多真海表名區也明初遣江夏侯視海防倭尋以衛弁李葵欺妄詔虛其地惟以小埤水若官兵汛守降慶初始添設海壇遊兵萬歷中復命增設水砦與興化府南日砦相形援後復廢弛○小練山在縣東海中旁有大練小練二門五代以後居民環集商賈輻至號小揚州洪武二十年與海壇同徙志云小練山周十里舊多喬林其大小練二門相去僅十里許無風踰月不能渡

蒜嶺

縣西南五十里以山形如蒜瓣而名一云以山石間多產蒜也登其巔東望漲海瀾漫無際舊有照海亭○螺嶺在縣西北六十里與閩縣接界色黛如螺北瞰方山其西有五周七仙諸巖又西

讀史紀要

萬輿卷九十六

福建二

去

敷文閣

海

有仙舉巖峭拔千仞與永福縣接界志云螺嶺西北又有傀儡嶺在驛路旁又石尤嶺在縣北二十五里薛田嶺在縣東北五十里俱接長樂縣界縣東五十里志云縣東南至海百五十里南至海百二十里而海壇雙嶼諸處為汛守要地又縣東近境之海謂之九海以港嶼曲折也其外為大海

龍江

縣東南十里其上流為縣城南之龍首河匯諸溪而東南廣五里初名螺文江宋邑人林栗改今名下流合海口江志云海口江在縣南十五里源出舊興化縣流為百丈溪至縣西三十里金應鋪合無患溪東流二十里合石厓溪又東至水陸寺合東溪至河頭瀟為琵琶洋龍江人焉又東十餘里入海縣東百餘里有海口寨江近海壇山北源出長樂縣界石尤嶺分水而下注江達海又有南港江在縣東南二百九十里海壇山下流出莆田縣界東流入海

逕江

縣南三十里志云江源有二一出故興化縣界金支大澤合漁溪一出黃蘗山北過鐵塲邊北

流並漁溪合逕港南至綿亭東抵烏嶼門又南至雙嶼頭復岐為二東出白嶼西出後嶼南流復合由迎仙港入於海嘉靖三十八年倭賊自海墘山人犯移屯上逕官軍擣破之即逕江上流也○松

鎮五里東流入海口

漁溪

在縣西南四十五里源出黃蘗山流合蘇溪蘇溪

溪濼於逕江又蒜嶺溪在縣西南蒜嶺下亦曰蒜

流合焉至迎仙市為子魚潭歷縣西南黃茅墩合

蒜溪又東會逕江出江口入海○交溪在縣西十

里源出西北六十五里之常恩嶺東南流其別源

出縣西二十五里之盞窰東流合焉經城西為西

溪南入龍首河又無患溪在縣西宏路驛前亦曰

大溪源出石竹山流合交溪又盧溪源出縣西北

臺嶺南流經盧山因曰盧溪亦

海口鎮

縣東十里宋里人林遷刑建有城亦曰海口

鎮縣東十里宋里人林遷刑建有城亦曰海口

流合交溪皆為龍首河之上源

讀史方輿卷九十六福建二

紀要

寇來攻以城壞為倭所陷尋改築之自是倭夷屢

犯鎮以城堅得免志云鎮東北倚龍山鎮南二里

即瑞巖山也元置海口務於城北內明初改為海口

稅課局并置河泊所於此又有海口場鹽課司元

延祐六年建本名司合司明初改為運鹽分司洪

武二十里建置同海口鹽課司○化南鎮在縣東南

六十里有民城嘉靖中築以禦倭鎮北數里曰化

北鎮澤朗巡司置此相傳隋時掠琉球五千戶居

此因名又沙塘鎮在縣南五十里有民城隆慶間

築志云縣西南有逕上鎮宋置逕口務元因之洪

武初改為逕口稅課局十八年圯於水因自水南

壁頭山鎮

在縣南百餘里壁頭山下志云元置於前

於此今改名又牛頭門巡司明朝洪武十二年移置

置於逕江口名逕江巡司亦洪武七十二年移置此

於今名又澤朗山巡司亦洪武十二年移置

於今名又澤朗山巡司亦洪武十二年移置

松下寨

在縣東北五十里接長樂縣之松下巡司濱海捍寨也志云縣境自東而南有平北里平南里沙塢連盤長沙峯頭與松下為七寨外有松關永平白鶴峯頭大坵牛頭等六砦舊皆設兵

守戍

宏路驛

縣西北三十里北去閩縣之大田驛四十里南至蒜嶺驛四十里又南六十里至興化府

○龍首橋在縣南門外宋天聖五年創建長四十二丈名曰通海元祐二年復建梁於其南長二十二丈改名曰履紹興二十年又續為梁長十六丈三丈改名曰履紹興二十年又續為梁長十六丈三丈橋共長八十丈改今名自元以來不時修築又龍江橋在縣東南十五里宋政和三年建為梁四十有二長百八十餘丈名螺江橋尋改曰永平又更今名○無患橋在宏路驛東南宋熙寧七年建明朝成化十九年修長二十有九丈又化龍橋在縣西南四十里跨漁溪上宋嘉祐七年建名萬安橋後修毀不一乾道初更今名明朝成化十九年以後再經修治長十五丈有奇

紀要

讀史方輿 卷九十六 福建二

六

敷文閣

連江縣

府東北九十五里南至長樂縣百二十里東北至羅源縣百二十里漢治縣地晉太康四年以

溫麻船屯置溫麻縣屬晉安郡宋齊因之隋省入閩縣唐武德六年復分置溫麻縣是年移置於連江之北改今名今編

戶三十五里

溫麻城

在縣治東晉置溫麻縣蓋在今福寧州境後廢唐改置於此旋曰連江舊無城嘉靖十八

年創築萬曆十四年增修二十七

龍際山

在縣治北縣之主山也岡巒如龍際水夾澗而山下有潭曰五峯潭山北五里曰湖山高秀

出諸峯之上志云縣西一里有玉泉山巖洞甚勝稍北又有鳳凰文筆諸山城西又有白塔嶺王審知入閩其先鋒陳伯先追賊至此馬蹄而死○覆釜山在縣東南二十里巔有巨石狀如覆釜其傍峯巒環峙南麓有二石相對道出其中

荻蘆山

縣東南四十里一名九龍山下有荻蘆峽亦名九龍江俗傳秦始皇以東南氣工自江而

南山秀拔者皆鑿之鑿此得蘆根長數丈斷之流血因名宋淳祐二年置荻蘆寨於此有水軍千人亦曰武濟水軍○馬鞍山在縣東北五十里山勢透迤達於海上有雙巒連聳狀若馬鞍又東有三德山三峯並列下瞰海門舊名三台山亦曰筆架山志云縣北四十里有香爐山其形聳秀上有童子井雖旱不涸道書以爲七十一福地

上竿塘山

縣東北八十餘里大海中峯巒屈曲有竹

山形峭拔與上竿塘並峙中有白沙鏡港等七澳

洪武初徙其民於內地三山志上下竿塘大小亭

山桑嶼關嶺蛤沙北菱鎮俱在縣東北海中相近

又有拱嶼澳嘉靖三十五年倭賊犯縣官軍擊却

之賊夜遁由拱嶼澳出洋是也

海

縣東二十里志云縣東南至海三十五里與長樂

縣接界其與潮汐吐納者則官塘洋荻蘆峽黃岐

堡鶴嶼諸處也而定海小崖皆爲戍守要地

讀史方輿

卷九十六 福建二 十九 敷文閣

連江

在縣城南一名龍江源出羅源縣黃土溪黃蘗

潭前環抱如帶東流人海亦名岱江濱有海潭

潭跨江有橋宋政和間建疊石爲梁凡十六間長

五十丈六尺俗呼江南橋

周溪

在縣西南又縣南有竹溪縣西有利坑溪皆流

入龍江有灌溉之利○東塘湖在縣東南隋開皇中

邑人林堯捨田爲湖周圍二十里歲久沙壅唐咸

通間縣令劉夔嘗奏復之今遺址僅存

北菱鎮

縣東北百十里西北至羅源縣八十里本名

荻蘆鎮宋時水砦益設於此元爲荻蘆巡司

共武二十年改名并置城於此與定海相爲唇

齒嘉靖二十七年倭賊流劫北菱官軍禦却之是

也又蛤沙鎮在縣東北五十里崖石峭立如壁洪

武十六年置河泊所於此二十年置城於此亦爲

戍守處○閩安鎮在縣西南二十五里與閩縣接界

小埭寨 縣東百二十里海中明初置籌海說小埭北門戶而小埭又連江之門戶嘉靖三十五年倭賊自流江突至小埭水寨遂犯會城蓋汛防要地矣又光臨里砦在縣西南亦明初置有兵戍守○延祥水砦在縣東南宋福州水軍有延祥砦蓋置於此

通濟橋 在縣治南跨龍江上宋政和四年累石為梁凡一十六間長五十六丈有奇淳祐間改修明朝因舊址修葺又有安利橋在縣西南舊名潘渡宋紹興十四年建橋尋壞乾道三年重建累址十九長六十五丈名惠政橋後改曰

羅源縣 府東北百五十里西南至連江縣百二十里西至古田縣百三十里東北至福寧州寧德縣

入十里本唐連江縣地大中初置羅源場於此咸通中又割懷安地益之置永貞監後唐長興四年王閩升為永貞縣宋天禧五年改永昌縣乾興初又改今名明朝嘉靖三十七年始築城萬歷七年裁以石周

讀史方輿 卷九十六 福建二 敦文閣

紀要 三里編 十六里

鳳山 縣治北山勢聳起兩翼如張因名又北一里有文殊山上羣玉峯○蓬花山在縣南一里巖石層疊下臨城市又西諸山林立西南五里曰金鐘山相連者為鐵障山又簾山在縣東之濂澳山形如簾遮護居民又東諸山環時下臨海濱其峙海中者曰金螺障與楊梅灣相對

汕茅山 縣東北十里兩山相連曰大茅小茅巖石甚五馬峯又東北五里為洞宮山峯巒錯立其著者為志云在縣西隅一名寶勝山黃沙溪出焉○四明山在縣西北一名破石山山多異石茂林修竹左右映帶又松崎山在縣南六里其相近者曰鶴嶼對峙江

海 縣東北十五里又東南接連江至海二十五里灘澳淺僻不利登涉故縣境之防禦為畧通志縣東北至大海蓋二百里也

羅川

在縣城西源出縣西境蔣山按金鐘潭流經四
明山下合四明溪又南流分三派曰中溪曰南
溪曰後張溪流經松崎山達於海亦謂之松崎江
○黃沙溪在縣東又有九龍起步等溪皆流達於
松崎江又環溪在縣治南其東會
南北二溪潑廻環繞亦注松崎江

霍口溪

入連江縣境注於龍江○龍湫在縣西南金
鐘山下又在縣南福源山兩
山相去二十里而泉脈相通

應德鎮

縣南二十五里與連江縣接界為往來通道
應德鎮設於此志云縣東北五十里有南灣
巡司元置於連山後徙於此明初廢又有四明
驛宋建交三年置於縣西二里元至正中廢

古田縣

府北二百八十里東至福寧州百五十里西至
北至建寧府政和縣三百二十里西南至尤溪縣
地唐永泰二年析置屬福州劉昫曰開元二十九年
開山峒置也宋因之明朝宏治十三年始築縣城
西北跨山東南濱溪周七里右奇編戶五十三里

讀史方輿
紀要

卷九十六

福建二

主

敷文閣

古田廢縣

縣西南三十里宋太平興國五年徙縣於
復還舊治今為水口驛東南至府城百八十里延
津上游此為鎖鑰之口志云宋遷縣後設監鎮官
治此元革今鹽運分司設焉有浮橋橫於江津朝
夕驗放亦曰水口關自水口而上五里有塔嶺亭
西往南平北往

翠屏山

在縣治北以形似名縣之玉山也舊名環屏
又城東有龜山其東麓曰金仙嶺石磴盤曲
登之可以望遠○北臺山在縣西一里高聳如臺
又西為黃蘗山上有寶峯峯下有小湖湖東為桃
溪以其地多桃也旁
有桃塢又有桃洲

五華山

在縣西南五峯連峙峭拔千仞一名大仙山
亦曰大佛嶺又極樂山在縣西北山後有巖
曰仙巖又北曰鳳獅峯最高秀相近者曰天宮嶺
覆舟嶺俗名福全嶺曰石崎嶺層次相接○鼓山
在縣東百里其西有旗山又有馬山在旗
鼓之間又北有杉洋山山多竹可為楮

牛頭嶺

縣東北十里嶺高而遠陟降二十餘里又有

嶺在縣東南二十五里紆迴峻絕南濱大江陸路趨延津者道出於此石磴崎嶇最為艱險

建江

縣南二十里自延平府流入縣界經水口驛入侯官石錯立至是而盡建江經此始出險就平又東

縣境

大溪

在縣城南溪有二源俱自北來至縣南合流委蛇澄澈其平若鏡二溪夾流縣治東西因亦名

雙溪又南為蒿溪羣溪之水皆匯焉又南會於建江謂之水口溪上有松溪館江頭往來之通道也

志云水口為羣溪匯合之處亦曰因溪有關於此關水流寬平無灘石之阻故上舟楫恒泊於此

○東溪在縣東又有感溪亦曰錦溪甘溪亦曰監溪與縣西之西溪縣南之瀨溪俱匯於大溪志云

縣境諸溪得名者以十數計而東溪為之長合流後里許有石灘橫截中流巨東西岸奔流觸石如

鳴珮玉舊名洪瀨宋景德間縣令李堪改為鳴玉灘并置驛於此紹興七年驛廢

讀史方輿

卷九十六

福建二

三

敷文閣

洗馬池

縣西北六十五里池周數十畝聞見錄出古田北門三十五里至西溪又三十里至洗馬

池又西北五里地名山頭又四十里曰上際又西三十里即建寧府城東門矣雖山谿環錯而路

徑稍寬可策馬而前也又從洗馬池而西三十里地名南吉又經池口鐵場大壩諸處即至延平府

之吉溪洗馬池蓋當二郡之間道云

杉洋鎮

縣東四十里有巡司南至羅源縣百八十里舊設捕盜館并郡司馬分駐於此後廢尋復置又

谷口巡司在縣西南九十里宋大中祥符五年置於水口鎮為水口巡司元移於此改曰谷口明朝

因之正統間廢又西溪巡司在縣之西溪宋置元因之明朝洪武十二年廢○南鎮若在縣西百四

十里石晉天福三年閩主曦之弟延政據建州攻南鎮軍敗之福州西鄙戍兵皆潰胡氏曰特闕王

增置軍於福州建州之界遣將杜漢崇監其軍以扼往來要路故

為延政所敗

水口驛

即廢古田縣宋時曰嵩溪驛元改今名明因之遞運所亦置於此又西南五十五里田驛宋時曰使華亭元改今名明初因之又二十里曰倉峽巡司接延平府界○石平橋在縣治東南宋建尋廢明朝宣德間再建復圯成化十五年重修為石礮十有一覆以亭五十六間又萬安橋在縣南元建明朝永樂中毀成化十五年重建尋搆亭四十七間

閩清縣

府西北百二十里北至古田縣百五十里西至里本侯官縣地唐貞元初析置梅溪縣五代梁乾化元年王氏改曰閩清縣仍屬福州宋因之縣無城今編戶七里

臺山

縣西南一里山勢平衍其狀如臺縣之三山也又南有鍾南山上有盤谷巖○大湖山在縣東十里山椒有湖約半里許縣東北又有鳳凰山形如翔鳳

鼎峯山

縣西二十里有雙巖梅溪環流其下其西曰聖峯以大裡名北通尤溪縣界又西曰白雲

讀史方輿

卷九十六

福建二

三

敷文閣

○大山勢最高林木蒼蔚白雲吞吐中有仙峯巨石大帽仙峯志云縣西南四十五里接永福縣界一名雲霧環繞又有烏石巖在縣西南巖高數百丈常有衆山皆見又縣西有百丈嶺輿程記自嶺至尤溪縣百里

建江

縣北十里自古田縣界流經此為往來之通道梅溪之水合焉謂之閩清口

梅溪

縣西五里源出永福縣山中東北流經縣西又北入建江江水濁而溪水獨清故縣以閩清為名又瞿曇溪在縣西南三十里源出永福縣界流入梅溪又演水溪在縣西二十里源出尤溪縣界流入梅溪注於梅溪

青窰鎮

在縣東有巡司元置明初廢又縣南濱溪有稅務亦元所置也○曇口橋在縣西瞿曇溪之為往來之通道

永福縣

府西南百二十里東南至興化府百八十五里西南至泉州府德化縣二百五十里西北至延

平府尤溪縣二百四十里本侯官尤溪二縣地唐永泰二年析置永泰縣屬福州新唐書咸通二年析連江及閩縣地置懷也宋崇寧初避哲宗陵名改曰永福縣明朝嘉靖三年始築城萬歷十七年改築城東北隅周不及四里編戶九里

摩笄山 在縣東北縣之至山也志云由摩笄沂流而有洞石之勝由巖而下岡脈連絡猶峰腰鶴膝行六七里時為圓阜號曰仙掌牛坡迤邐自東北來為縣前弧矢山東有展旗山當

陳山 縣南十里中有石龍山如龍形循山之脊為路俗呼登石龍通福清則溪為十八灣通興化則山為十八摺又斗湖山與陳山並峙上有四湖亦名倒湖湖旁有田六洞仙山在縣南六十餘里山穹窿盤礴傍列羣山

高蓋山 一名紫雲山拾級而上巨石如牆道出其中

讀史方輿 卷九十六 福建二 敷文閣

峯巒泉石種種奇勝其最著者為玉華峯晏玉巖王閩時常封為西嶽志云山之最高者為龍都峯其下雙崖對峙拔起千仞宛若洞門有三石室峯之頂曰白巖其別峯曰金支山以泉色如金也又觀獵山在縣東八十里舊傳越王常觀獵於此元末故總管王翰避地山中聞元亡自盡因亦名官烈山巔有鴈湖地高水深與雪峯山相望

方廣巖 縣東北二十里峻拔千仞上有石室可容千巔有微徑仄足而上登其巔一望無際又白鶴仙巖在縣北二十五里極高秀有瀑布懸流又玳瑁峯在縣西北七十里即閩

大樟溪 縣東五里源出德化縣流入境又東入侯官縣界為澤苗江上流支流曰印溪俱東行三十餘里入陽崎江或謂之漳溪又龍嶼十八溪在縣西北源出福清縣界流經縣之龍嶼透盤曲凡十有入折流入大樟渡合大樟溪○雙溪在縣南三里越峯山下有二源一曰西溪一曰南溪一

清縣之大帽峯青謁也

云出縣西南山中者曰湫口溪出縣西北十七里
瑞峯山者曰滌溪合流為雙溪會流而人於大樟
溪

鑑湖

在縣東北一名冲灣潭清深莫測志云縣治東
有龍窟與鑑湖隔仙掌城地脈潛通形若柜應
下流俱注於大樟溪又有白葉湖在縣南宋乾道二年嘗修浚

滌門鎮

縣西四十里有巡司元至元中置於縣南之
辜嶺後移司於此而改辜嶺為岩明初因之
圖經縣北有牛皮隘道出侯官西北有大限西塘
等隘道出閩清西有三前隘出尤溪縣西南有炭
壚隘道出德化又有浮潮隘出德化及仙遊縣又
縣南有辜嶺隘亦出仙遊縣東南有萑平隘路通
莆田縣志云縣西南又有嵩口隘路通泉州府永
春德化二縣○平政浮橋在縣南跨雙溪上宋紹
聖四年建用舟三十有六

附見

讀史方輿

卷九十六 福建二

五

敷文閣

福州左衛

府治東南洪武八年置右衛二十一年改
為左衛又福州右衛在左衛西洪武二十
一年增置福州中衛在左衛東○鎮東衛在福清
縣之海口鎮城東洪武二十年置并築衛城周不
及四里為控扼要地

梅花守禦千戶所

在長樂縣東五十里本北鄉巡司
治梅江頭山上洪武十年始築城
為備二十年移置巡司於蕉山改建梅花所增拓
舊城三面距海南連沙江延袤三里有奇有三門
設兵戍守城外東南一隅歲患飛沙漸積幾與城
平每春以所軍挑之嘉靖三十八年倭賊犯境復
營葺焉又萬安守禦千戶所在福清縣東南百二
十里洪武二十年置并築所城周三里有門三俱
屬鎮東衛○定海守禦千戶所在連江縣東北八
十里洪武二十年建并築所城周三里有奇有門
二隸福寧衛

興化府

東至海九十里南至海三十里西至泉州府百
六十里北至福州府二百八十里自府治至布

政司見上至京師六千四百里

禹貢揚州地周閩粵地秦屬閩中郡漢屬會稽郡吳

屬建安郡晉屬晉安郡宋齊因之梁屬南安郡陳屬

閩州隋屬泉州始置莆唐亦屬泉州宋因之太平興

國四年分置太平軍以游洋又改為興化軍以仙遊

縣來屬太平興國八年始移軍治莆田縣宋末改為興安州元曰興化路

明初改興化府今領縣二

府馮峙高深山川奇秀北屏會城西翼泉州介於兩

大之間海道舟車絡繹而至誠襟要之地矣

莆田縣附郭晉安縣地隋開皇十年置莆田縣屬泉

州大業初廢入南安縣唐武德五年復置屬豐

讀史方輿卷九十六 福建二 六 敷文閣

州尋屬泉州宋太平興國四年改屬興

化軍八年移軍治焉今編戶二百九里

莆田城即今府城宋徙軍治此因築子城周僅二里

有奇土垣而覆以茅宣和三年加築網其上

覆以瓦周七里有奇紹定初復更築表裏石砌而

覆以磚稱堅城焉元至正十四年亦嘗修治明朝

洪武元年復修葺十二年指揮程昇請闢城東北

隅跨烏石山東下歷前埭後埭與舊城合延袤十

一里有奇城外濠池左起東北隅折而南引苑溪

之水注之右起西北隅折而東引木蘭溪水注之

二水交合長千七百餘丈西北負山鑿為早濠長

幾六百丈成化七年又嘗修葺嘉靖三十三年以

倭警營治四十年城陷既而議城東北南三面

營治萬歷九年守臣陸通霄以城西北隅跨山腰

之半而遺其高者於外元至正十九年寇從此射

走守城卒嘉靖四十一年倭亦來此越城而入於

是拓出西北城垣而包高岡於內長八十五丈五

尺舊有門五明初改為四東建水關以通舟西亦

有水關攔以石橋容水入而已城周不及十二里

興化廢縣 在府西北八十五里志云舊城在仙游縣

出沒處也宋太平興國四年置太平軍明年析莆

田仙游及福州之永福清縣地合游洋百丈二

鎮置興化縣為軍治尋遷軍於莆田縣屬焉元皇

慶中又遷縣於莆田西北廣業里之湘溪村謂之

新縣明初因之正統十三年廢興

化縣以其地分入莆田仙游二縣

烏石山 在城東北隅城西北有梅山與烏石相連兩

城濠塞成化三年郡守岳正疏之凡三堰中堰之

內瀦水成湖下為兼濟河東出水關○太平山在

城西一里山脈自福州永福縣延表而來峯巒峻

拔為莆田之主山又西二里曰天馬山勢若騰驤

志云府西南五里有鳳凰山一名南湖山舊時山

下有湖今泗峯巖甚勝麓有瑞泉又大象山在府

西五里上有天泉巖山腰為石室又

有彌陀巖下有梅花澗亦曰智泉

九華山 府北十里出縣之西南諸山而來至延壽溪

九峯攢簇如蓮花故名亦名陳巖以昔有陳

姓者隱此也亦曰陳仙山其東北有紫霄巖極幽

勝○囊山在府北三十里峯巖簪秀東麓有龍潭

其西有九峯連屬又北十里有天壺山澗

壑竒邃林木葱蔚山下腴田可數千畝

壺公山 府南二十里山有八面高聳千餘仞正對郡

治端巖秀特為郡之鎮山頂有泉出石穴中

其盈縮應海潮中有雙嶼名曰嶼井泉有真淨巖

登之可遍眺郡境又有靈雲虎邱盤陀諸巖泉石

羅列名勝不一○城山在府東南二十里一名穀

城山與壺公對峙為黃石市之主山上有松隱巖

前臨國清塘又塔山在府東南十五里舊有石

浮圖後圯明朝建烽燧於其上亦名天馬山

讀史方輿 卷九十六 福建二 敦文閣

嵩山 府東南三十里峭拔海濱其南有小嶼在海中

監羣牧於此有德於民民建柳侯廟俗因呼為侯

嶼久之訛為猴嶼○雙髻山在府東五十里自西

視之雙峯尖聳自南視之則五峯並立故亦名五

侯山又名筆架山以郡城視之則三峯如筆架也

積石峻岫上摩霄漢頂有湧泉巖大旱不竭又蚺

山在府東八十里大海上山勢崢嶸環翠如嶂舊

志莆田有蚶田百頃號大蚶山是也其相近者為
演嶼相傳宋少帝舟泊大峽江許得免因名志云縣東
有白馬神為演一嶼磯帝舟得免因名志云縣東
有瓊峯形如屏延袤二十里許發脈福州五虎山

夾深山

府西北八十里一名東山旁有西巖鄭樵讀
處亦有泉石之勝又南為環山山巔累臺十餘層

礎石儼然名越王臺其旁有三巖曰客廳曰古
夾深之東山延袤百餘里上有六巖曰客廳曰古

仙曰石塔曰石樓曰重元幽奇萬狀志云
百丈山一名華蓋峯或曰華蓋即石塔巖又有峯曰

瑞雲出泉西流入永福縣又有百丈嶺東接福清
縣界○石梯山在府西南四十里盤礴峭聳高干

餘仞上宜茶絕頂有壚峯巖南望大海志云郡境
之茶龜山為上石梯次之龜山在府西北

二十里又有浮山在石梯之南近海濱
南日山府東百里大海中與琉球相望舊名南匿山

地山為會哨之所又華胥山在府東南百里吉了
巡司置此一名極了以莆地至此而極復崛起為

南日山

近福清縣海壇山明初設寨於此後徙於內

此山也宋時謂之擊蓼與湄州嶼隔海相望下有
東西二灣為閩市輻輳之所○湄州嶼在府東南

讀史方輿

卷九十六 福建二 三 敦文閣

紀要

朝云涓洲隔岸視之約六七里有田數十頃可畊
而食又有大孤小孤二嶼宋志云在莆田縣東七

十里名勝志今遮浪村海中有巨石突起曰大龜
嶼嶼東又有

大石盤是也
府東南兩境皆濱海島夷有警府當其衝其防維

之慮吉蓼平海三江其最衝也又甲嵌頭青山其
次衝也志云府東北五十里有支海自碧頭入與

北山諸溪合江面最濶中有盤石突起如平地居
民集焉有江口橋一名龍津橋又名尚陽橋通道

所經也橋北即福清縣境相近有下黃竿友海流
入此兩涯宏濶北涯舊有寧海鎮鎮前有渡元元

統中創為橋明初復修之勝覽云郡東薄寧海謂
寧海橋也又有峯頭澳在府東平海衛南嘉靖三

十八年官軍擊倭於峯頭澳破之倭遁去又追敗
之於野

馬外洋

海

海

海

海

木蘭溪

府南七里木蘭山下故有水曰南洋唐觀察

源自泉之德化永春及仙游三邑而下合澗谷之

將軍山下議者嘗欲橫堰於此又南經府南二十里

平初歲旱塘竭有長樂錢氏媪築坡於將軍灘前

開渠循縣南十五里之鼓角山而南甫成而壞邑

人林從世復相下流築南陽陂既成又決熙寧八

年侯官李宏復因舊址營度疊石築陂上障諸溪

下截海潮旁為溝渠及斗門石涵節宣盡制約溉

田萬有餘頃莆人利之元延祐間總管郭朶兒等

復創萬金斗門引陂水灌南洋以北諸田為利益

溥明朝循其制自溪而東縈紆曲折有大潭三總

謂之清江潭下流至江口入於海○瀨溪在府西

南十里即木蘭陂上流也又上溪在府

西二里一名北磨溪南流注於木蘭溪

延壽溪府北七里其上游曰巨溪在府西五十里首

瀨水經延壽村曰延壽溪一名綬溪以水綠如綬

也唐神龍間有吳興者謂溪出杜塘經流入海不

足溉田即延壽陂後陸海為田築長堤於杜塘以

渴大流轉入沙塘陂分為溝澮數十處灌北洋之

田復分二派導流至礪浦入於海延壽溉田可萬

餘頃所堤杜塘田可二千餘頃莆之饒給以木蘭

讀史方輿

卷九十六

福建二

元

敷文閣

荻蘆溪

府東北四十五里源出仙游縣游洋溪流入

壽溪一自龍港會迎仙港入海曰南荻蘆溪又有

北荻蘆山合蘇溪吉宦鳳搏等溪東流至荻蘆陂為

北荻蘆溪亦分二流左行者歷萬安溪迎仙橋會

福清縣界蒜溪之水以達江口右行者過漏

頭以達新港俱入於海志云蘇溪亦曰洙溪

迎仙溪

府東北五十里志云由荻蘆溪合桃源白石

小姑潭又東為迎仙港一名通應港接福清縣界

蒜溪逕諸江水為江水入海志云迎仙溪流通錦

江卽逕江矣亦謂之三江口以逕江迎仙及木蘭溪下流俱會此入海也亦爲濱海要地

白湖

府東南二十里一名玉湖海潮自三江口上黃竿歷寧海至此舊有隄俗名白水塘後曰白湖宋熙寧中於湖中設浮橋紹興間易以石湖側有靈惠井環境斥鹵井獨清冽海防考嘉靖四十五年倭賊自白湖入犯過涵頭至海口犯鎮東衛湖亦戍守處也又疑翠湖在府東南與清江潭相襟帶湖水繚繞長百餘丈

國清塘

府東南三十里其水與木蘭陂相灌注澄碧甚多新唐書莆田西一里有諸泉塘南五里有瀝嶼塘西南二里有水豐塘二十里有橫塘東北四十里有頤洋塘與國清塘爲六塘其溉田千二百頃宋熙寧中木蘭陂成遂廢五塘爲民田惟留國清以備大旱又霞塘舊志在府城東北清澈可愛亦灌田百頃

迎仙寨

府東北四十里其地有迎仙橋下卽子魚潭洪武二十年置巡司志云宋初司置於縣東

讀史方輿

卷九十六

福建二

三

敷文閣

施水亭熙寧四年徙迎仙市之北崇寧元年圮於水徙迎仙市之西明初改建於此有城前臨海後

負江爲商民輻輳處又沖沁寨巡司在府東六十

里有城三面阻海與岐頭三江澳港相接志云司

舊置於興化縣尋陽山下洪武二十年徙又嶽頭

寨巡司在府東南九十里舊置於莆禧鎮洪武二

十年徙置有城界山海間爲登涉要地又青山砦

巡司在府東九十里舊置於府東三十里之南哨

亦洪武二十年徙置於此有城東南西南三面皆阻

海夷舟多由此入南日山峙其南渡海不過五十

里爲郡之門戶○吉了寨巡司在府東南華胥山

下有城洪武二十年置於仙游縣之潭邊寨後徙

今處郡志司距城八十里前控南日右引小嶼左

帶湄洲迫臨大海東有吉了水寨又大洋巡司在

府西北八十里山谷中蹊徑叢

雜奸民嘯聚萬歷中增置今司

莆禧鎮

府東南九十里或曰卽古之莆口陳天嘉五

年陳寶應據建安晉安二郡章昭達等討敗

之寶應逃至莆口昭達追擒之卽此明朝洪武二

十年置所尋築城置倉於此志云鎮舊有莆禧稅

課局洪武三年徙於縣東之下渚正統二年廢又
有莆禧河泊所亦明初置尋移於府東南數里成
化間移於吉了澳尋復舊○黃石市在府東南二
十五里民居居環聚舊有黃石稅課局本宋之黃石
務其後徙置不一元至正中改建於此明初改為
稅課局又有黃石河泊所洪武十八年置亦在府
東南今皆廢志云府東南
有國清市亦闔閩處也

涵頭鎮

府東北二十里亦曰涵頭市路通永福尤溪
諸徑洪武初置莆田稅課局於此莆田河泊
所亦置焉鹽課考元至元十六年於涵頭市設管
勾司董釐事延祐二年改為司司令司明朝洪武二
年改為福建都轉運鹽使司分司分統上里等
場鹽課司所轄凡二凡二十四團皆產鹽處也

南日砦

在府東南山下北可以遏南菱湖井之衝南
可以阻湄洲岱隆之阨亦要區也景泰以後移於
吉藜之東仍以南日為名舊南日棄而不守番船
北向泊以寄潮論者以為自棄其險然而孤懸海
中大約與泉州之浯嶼情事相類云○崎頭鎮在

讀史方輿

卷九十六

福建二

主

敷文閣

府東八十里初置巡司後改為城堡嘉靖中倭賊
陷興化府官軍擊之倭賊走平海衛欲掠舟泛海
乃結築崎頭城官軍擊之敗績賊乘勝陷平海衛
戚繼光等合兵擊破之志云鎮東至平海衛十里
林墩在府東南嘉靖中戚繼光大破倭賊於此海防
口崎頭澄港湖邊石城蔡山石井等一十二座○
莆陽驛在府治北元置明朝因之又有遞運所在
驛南洪武十七年置後廢

仙遊縣

府西八十里南至泉州府百五十里西至泉州
府永春縣百十里東南至泉州府惠安縣百有
二里西南至泉州府南安縣百七十里西北至泉州
府德化縣百三十里本莆田縣地唐聖歷二年析置
清源縣屬泉州天寶初改曰仙遊縣宋因之紹興十
五年議築城以禦寇不果乾道中僅營四門明朝正
德初創築土城尋圯八年發以磚旣而復壞嘉靖二
年改用石砌七年始成周六里有奇編戶十三里
○鷄鳴城縣東七里相傳越王無諸所築俗呼城山又
名鐵山舊經云其城靈異不假版築或呼為

鷄子城其相近者又有彭城遺址並存寰宇記縣東又有蜿灣城俗呼為越王城○興化廢縣在縣北七十里與莆田縣接界處也

二飛山 縣北五里宋志作大飛山縣之主山也蜿蜒數百里有鐘鳴馬鞍二山高可千仞其形翼然作飛揚之狀下有瀑布懸崖數千尺飛瀑瀉下如練下有龍潭又九域志大飛山有平湖洞其地有平湖數頃一夕風雨暴起旦見此山聳峙因名大飛唐景福初王潮自泉州遣兵攻福州

九座山 縣西北七十里重巒疊嶂中巍然高峙者凡曰大汾山與福州府永福縣接界○梁山在府西北四里平田中突起一峯層巒插漢其東南五里為泗洲臺山一名仙人臺亦高聳志云縣南三十里為九龍山分九支並峙者曰銅鼎山勢甚雄壯又新峯山在縣東南四十里其高凌天頂平如掌

九仙山 縣東北百里脈自永福縣來至此特起一峯其西為高望山連綿高聳可以遠眺風日澄霽海在日曉南為雙髻山北為仙人臺皆以何氏九仙得名山之下為何嶺俗呼寒剛亦曰寒巖又曰古荷城亦曰何巖臨九鯉湖東有石洞可坐百人綿亘數十里其西曰南湖巖巒聳秀下瞰平湖又西曰高陽山亦名谷目崇林幽翳居人剝木以識所從入之路因說為谷目云又盤龍山在九鯉湖西南高千餘仞率

石所山 縣東北六十里高數千仞盤踞百餘里何巖居羣峯之上而此山又居其上巔有鳥頭巖石黝黑浮海者望以爲的其下平坡十餘里頂旁為雲居巖下視空濶滄海渺茫巖高千仞而有方沼瀦其巔相近又有滴水鳴山等十餘巖志云石所在何巖之東紫帽山之西其紫帽山石壁削成有

斜巖諸勝○尋陽山在縣東北八十里山自西來峙為三峯中大雪北仙臺西香爐極為雄偉

讀史方輿 紀要 卷九十六 福建二 三 敷文閣

左右環壘峯巖甚眾並稱奇勝

蔡溪巖

縣東北八十五里巖前有石如雙闕曰石門頗高廣石門之北峭壁環立上有瀑布懸流數百丈瀑之盡處為龍潭深不可測流而為溪是為蔡溪石門之下有幻遊洞巖水至此會流如奔雷滯而為湖湖之旁峯巒環峙○北坑巖在縣南巖石周環如城元末鄉人避寇於此又石礪嶺在縣南嶺路甚峻有石立道側平濶如碑縣南又有馬嶺皆通道所經

九鯉湖

縣東北六十里萬山中湖之前山曰飛鳳後山自永福而下重山稠疊幾百餘里至此石峽天開懸崖無際數百里之水來入石竅石穴中蓄為石湖湖水日夜從高墜下巖石嶸嶸龍窠水流瀆激洞心駭曰春夏間其觀尤偉湖上有何仙祠相傳九仙丹成跨九鯉上昇處也湖之北為黃鷄灘南為茶槽潭湖水東南行被崖而下為瀑布而潭而陂又繞山而行數十曲而為菖溪為壽水其終入海此其大畧也中分九漈一日雷轟漈在湖東

讀史方輿

卷九十六

福建二

三

敷文閣

何巖之水出而西流奇石當其中湖洶擊盪其聲如雷一日瀑布在雷轟西相去五十步奇石懸流如澡練然一日珠簾漈在湖西水從巖飛下去地千仞噴沫如散珠稍昇則觀縷成簾也一日玉筋漈從湖西南盤龍山頂灌下忽岐為兩直下白雲洞中宛如玉筋亦曰玉柱漈一日石門漈去玉筋西北里許深中奇石參差有二石亭亭如門餘彷彿水流其中一日飛鳳漈去五星距石門二里有五石相聚如星一日飛鳳漈去五星距石門二里有五石相湖前者其高百仞十里之外有泉縈迴注而為深也一日碁盤漈距飛鳳里許深中有一巨石宛若碁盤一日將軍漈距碁盤數里深中有兩石鶴立如武夫當關之狀白湖至此不啻二十里皆猿陸鳥道登陟甚艱邑志湖之奇以九漈一漈或五里十里遠者二十里皆兩山夾峙奔流界乎其中道路迂迴奇勝不可名狀從將軍漈南出為莆田縣之菖溪○赤湖在縣南四十里楓亭市之要昔時周環五里土色皆赤下為焦坑流入楓亭溪游洋溪在故輿化縣西上源有郭洋銀巖等溪匯流而東南有尋陽溪流合焉入莆田縣界下流

為南荻蘆溪○三會溪在縣西十五里有三源皆
導流諸山澗中匯而為一又東南南匯羣溪之水流
入莆田縣界下流合於木蘭溪志云縣西七里有
神堂溪十里有大濟溪四十里有大目溪俱匯於
三會溪又有余溪源出
永春縣流合大目溪

僊溪

在縣城南一名大溪一名南溪又名藍溪西北
受永春德化之水東南流至縣前環繞如帶又

東南匯諸溪水亦合於三會溪志云縣南有可溪
出縣南二十里之香山又有九溪及周溪皆在縣
南十里又東南有蔣溪又縣東十五里之昆溪安
吉等溪下流皆會於僊溪○楓亭溪在縣東南四
十五里其上流為阜洋吳坑諸水又東有九龍溪
西有赤湖焦溪皆流合焉南出雙溪口入太平港
港即溪海會流處也志云雙溪港亦在縣東南四
十五里一名滄溪其南為太平港又沙溪在縣東
南四十里溪旁有沙
溪市南流合楓亭溪

何巖水

在縣東北何巖下源有三皆出山谷中其下
流一出瀨溪下木蘭陂一出鯉湖下莒溪

讀史方輿

卷九十六 福建二 三 敦文閣

出龍津下延壽溪並注於海志云縣南七里
有聖泉亦號龍井雖旱不涸灌田十餘頃

白嶺寨

縣西四十里有巡司志云洪武二十年置楓
亭巡司於楓亭驛尋改置於莆田縣小嶼山

上曰小嶼寨巡司築城置戍嘉靖三年以山寇竊
發移置於白嶺嶺而小嶼巡司廢又陳疇關在縣
南又南即惠安縣界聞見錄仙遊西南數十里有
大埔阮又數十里至長嶺即晉惠兩縣界縣西又
有石獅隘接永春縣界嘉
靖中倭賊常出沒於此

楓亭驛

縣東南五十里唐為風亭館宋為太平驛元
至正七年改為楓亭驛明朝因之東北去府

城六十里東南去泉
州府惠安縣五十里

附見

興化衛

在府治東北洪武元年建○平海衛在府東
九十里洪武二十年置并築衛城周四里有

奇有門四領
蒲禧所一

守禦莆禧千戶所

府東九十里亦洪武二十年建築

西面為濠西南有文甲澳又有嵌頭青山諸港口皆為濱海要地海防考莆禧墩臺有山柄文甲嵌

頭東湖山西凡五座

福寧州

東至海六十里南至福州府五百四十五里西至建寧府八百五十六里北至浙江温州府五百九十里自州治全布政司見

上至京師六千六百七十七里

禹貢揚州地周閩越地秦閩中郡地漢會稽郡地三

國吳屬建安郡晉屬晉安郡宋齊因之隋屬泉州大

業初屬建安郡唐仍屬泉州開元初改屬福州五代

時王氏屬長樂府宋仍屬福州元至元二十三年升

為福寧州屬福州路明朝洪武二年州廢成化十九

讀史方輿紀要

卷九十六

福建二

三

敷文閣

年復升為州

編戶五直隸福建布政司領縣二

州北瞰永嘉南屏侯官山川險峻實為要地防險說

閩興泉福漳之地皆濱海要衝然莫有如福寧之尤

險者蓋地勢自西北而東南至會城盡之矣而福寧

又在東南突出海中如吐舌然其左為甌括海居東

面其右為福興海居南面福寧獨當東南北三面之

衝島夷入寇必先犯此故防為最急也

長溪廢縣

今州治本溫麻縣地唐武德六年析置長溪縣屬泉州旋省入連江縣而以縣治為

寧遠鎮長安二年復置尋改屬福州五代時王閩

屬長樂府宋仍屬福州元升縣為州改曰福寧明初降州為縣後又升為直隸州城邑考州城洪武四年築二十年增拓東城永樂五年復修治成化

十七年以後屢經營嘉靖三十四年復拓城西
三十七年夏潦明年倭寇來犯又值淫潦城圯尋
復營築今城有門
四周六里有奇

溫麻廢縣

州南三十里晉泰康三年析侯官縣溫麻
船屯置溫麻縣屬晉安郡蓋治於此隋開

皇九年廢唐改置溫麻縣於今連江縣境而以廢
縣地置長溪縣今州南有鼓樓山古城村蓋因廢
縣為名

龍首山

在州城北分為五枝又名五葉蓮花山山巔
平夷唐末黃巢犯閩嘗屯兵於此號黃巢坪

坪西有井廣丈許其水清泚名曰聖水又有東西
石澗下有雷壇元末州尹王伯顏與山賊王善戰不
利見執於此死之又城南三里南有南峯頂岐首

有三亦曰三台山郡志龍首山峯巒峭拔為州主
山前挹長溪東抱華峯西接蓮坡水光山色映帶
城郭又有金字山在州治東北高聳如龍首嘉靖

讀史方輿紀要

卷九十六

福建二

其東為獅山城北曰

敦文閣

松山

舟後流沙漸合有徑可行正統九年徙置烽火
寨於山下其對峙者曰後崎山全體皆石巨細

磊砢爭奇競秀又鐵嶂山在州東十二里壁立千
仞其色如鐵一名昆岡相接者曰馬冠山亦名昆

田山山勢連亘數十里高聳凌空形如半月志云
松山東南海中有斷嶼名火焰山又名屏風嶼嘉

洪山

州南三十五里見浙江溫州府
皆敗之鎮下門三沙海洋

一泓通海名曰海眼其西有數峯連接又小洪山
在州西南五里以高峻亞於洪山而名亦曰紅

山有天池濶二里三畝四時不涸名曰龍潭又霞浦
山在州南四十里中有青黑元黃四嶼曰出照映
江不如霞故名又南十里曰羅浮山相傳此山浮
海而來泊船山下可避北風若南風則石瓦齒齒

難近嘉靖二十七年倭賊流劫羅浮官軍禦却之
今防倭水砦船多集其下相接者曰水澳山旁又
有石筍山峯巒巒秀上有清泉又南曰文崎山與
武崎山並峙海中廣袤五里○南金山在州南六
十里一名大金山居民環其下廣袤二十里其南
一山曰小金山相近者曰浮瀛山一名浮膺山上
有四澳下臨濱海一望千里宋元
間居武蕃庶明初俱徙入內地

望海山 城西北七十里去海百餘里勢極高峻上有
十里東望海外數百里諸山皆在履舄之下懸崖
聳削積雪不消有泉一勺大旱不竭元末有袁天
祿者率其昆弟保柘洋為泰安社州賦稅訟獄皆
歸焉元授以江西行省參政明初納款世居此地
嘉靖末倭賊寇其額堡不能下

大姥山 州東北百里羣峯林立得名者三十有六為
林嵩築草堂其中改今名巖石甚勝餘詳見前名
山大姥○崙山在州東南海中山高而中均如鉢
讀史方輿 卷九十六 福建二 毛

孟舊名孟山 有三十六澳旁有良山有日嶼東有
七星山以七石浮立海面如七星而名嘉靖中官
軍嘗敗倭於此志云出州東門三里迤南而西水
天茫茫浮於水面有臺山官澳山屏風山筋竹山
四瀧山皆在烟波浩淼中難以里記及其方隅也
又秦嶼在州南海中為防戍要地箕營巡司置於
此

泗城山 州西南五十餘里危壁峭立有巨石黑色名
白瓠山在州南大海中白如瓠山脊與寧德縣接
界志云州西南六十里又有竹嶼其相近者為孤
道嘉靖三十五年倭賊自寧德縣

桐山 州西北百六十里接浙江平陽縣界其地險阨
桐山可以戌守嘉靖三十九年倭賊自州城流劫至
既又追破之於蒲岐今設營置戍為浙閩要隘同
坑見浙江泰順縣蒲岐見浙江樂清縣○天竺山
在桐山東南其相近者有半嶺與程記半嶺在桐

敷文閣

山北二十五里為往來之通

石馬嶺

州北百三十里即分水關

秦順縣界有桐山又北四十里為分水嶺接浙江

東五里北連九嶺崎嶇險峻宋時王頭陀嶺在州

為路嘉定中縣尹楊志復用石修砌○池家嶺在

州西北四十里中有古澗深百餘仞又有石門俗

海

州東南百里志云州境海環三面其東北者三

沙海形勢陡絕最為險要沙埕嶼稱首衝藜嶼次

之而泥坪防衛港口松山通近州城水則烽火陸

長溪

福州西四十五里源出浙江慶元縣界流入境經

讀史方輿

紀要

卷九十六

福建二

敷文閣

門入海逾數百里唐因以長溪名縣舊志州西

南百七十里○倒流溪在州東三十里源出東北九

十里之烏巖西南流經此因名冬夏不竭澆田萬

松山港

州東南松山下上接諸溪澗之水至松山前

此又松蘿洋志云在州西北北里其地有九

分水關

今詳見泰順縣志云州東北有疊石關與分

水關俱王閩所置以備吳越又州北有後崎關亦

閩置宋建炎中置賊范汝為作亂里人拒之於此

又有營頭關在州南霞浦山前有小嶼跨海與大

山接中可容數百人宋紹興中邑人嘗守此以拒

海寇○古鎮門在州西南長溪之水會州境及福

安縣諸溪澗水而入海一名白馬門又漁洋埠在

州南三十五里兩旁皆海中一徑如

大箕營鎮 州東北百里舊為蔣洋巡司在州東北八

有城又水澳巡司在州東北百里舊為蔡嶼堡改今名

武二十年移置於此改今名有城嘉靖中還置於

桐山堡為蘆門巡司又清灣巡司在州東北五十

里本置於州南百里曰西日巡司在州東北五十

置於牙裏堡改今名亦有城又高羅巡司在州南

五十里間峽堡延亭巡司在州南百里下游堡俱

洪武二十年置有城志云州東南又有松山巡司

亦洪武二十年置有城志云州東南又有松山巡司

靖中司革○柯洋巡司在州西北百二十里西南

至福安縣百里柯洋巡司在州西北百二十里西南

統六年增置巡司以備山寇元通志州境又

有庫溪小瀾鹽田三巡司俱元置明朝革

烽火門水砦 州東松山下永樂十八年創設於三沙

軍協守正統九年議者以為風濤洶湧不便棲泊

乃移於今所增撥官軍以備倭寇○流江砦在州

北百里與平陽縣接界即橫陽江南岸也海防考

烽火門之要有官井流江九澳諸處為賊船必泊

紀要 讀史方輿 卷九十六 福建二 元 敷文閣

之所備禦最切而流江與 烽火門尤為犄角之勢

三沙寨 在州東北相近又有清灣寨與清灣巡司同

州東百餘里又有南鎮水澳等砦俱屬福寧衛○

高羅砦在州西南與高羅巡司同置又有下游延

沙城堡 在州東北海防畧沙堤征權要衝商民輻輳

殷庶薰嶼而下為三沙信地襟山帶海舊設土堡

於相近之高巖以防海口○湖平在州東三十里

嘉靖三十五年官軍敗倭賊於孤山

又追敗之於湖坪是也今有湖平舖

温麻驛 州西五里又西有鹽田驛又州東有倒流溪

初置元廢今州治東有館驛舊置於西門內正統七年改置今所又州西南四十里有鹽田公館州西北八十餘里有杯

寧德縣 州西南二百二十里西南至羅源縣八十里西至建寧府壽寧縣二

五代唐長興四年王閩升為寧德縣屬長樂府宋屬福州元改屬福寧州明初仍屬福州府成化九年復

改隸福寧州城邑考縣有土城王閩時築後毀明朝正德初增修嘉靖四十年倭毀四十二

年改築周三里奇編戶二十三里

白鶴山 縣西一里俗名西山秀拔千仞南連飛鸞諸

容數十人泉水清冽是為龍泉其西南即白鶴嶺石磴峻峭紆迴百折盤曲而上海上諸山皆入延

眺嶺之南飛泉百丈名南山際嶺半有黥井味甘美四時不竭

金甌山 縣東南十六里若金甌浮於水面與酒嶼猿

讀史方輿 卷九十六 福建二 敦文閣

四際平曠亦名覆釜山又梅溪山在縣南二十里東接飛鸞嶺南俯大海梅溪遠其下其相屬者為

勒馬山又有楊溪山俱環拱縣南又城澳山在縣南四十八里四面環繞如城郭然內有南北中三

澳可容萬人然四際皆海中無所產人跡罕到○驪山在縣東北二十五里峯巒秀拔形如驪駒奔

馳入海之勢濱海有官厓山地勢坦舒土壤饒沃相接者為厓崎山下有三江洋三渡洋又有官

井洋出洋即渺茫大海嘉靖中設官井洋水砦為控禦之所

霍童山 縣北七十里名霍林第一洞天白玉蟾云此山週環九十九峯諸峯俱備名著者三十六最

勝者四十八唐天寶中名山曰仙遊王閩時封此山為東嶽列仙傳霍童作霍桐去平地七里巔甚

平曠有甘露池海鱸井及石廊石室昔有神童小童居此因以名山亦謂之鶴林山後有大童小

童諸峯奇勝錯出亦謂之四十八景東有高蓋山山之別峯也西有支提山去鶴童二十里歷數十

峯乃至峯巒圍繞巖谷幽深更為奇勝葉氏曰閩

境之山西則武夷東則霍童而霍童深廣

鳳山

奧僻巖巒巒洞壑之奇不能以耳目盡也

境之山西則武夷東則霍童而霍童深廣

石壁嶺

縣北有鳳池及飛石卓立萬仞傍分兩翼如飛鳳然

亦曰唐溪上有嚴路通古田縣嶺下有塘名石塘

之雙溪溪旁小山曰龜嶼與石壁相連嘉靖三十

五年官軍擊倭賊於此敗績○新嶺在縣北百六

飛鸞嶺

勝又北六十里有麻嶺路通壽寧政和二縣巡司

置於此又有顯聖巖玉屏

峯皆聳秀入雲形狀奇崛

讀史方輿

卷九十六

福建二

聖

敷文閣

其相並者有嵩嶼黃灣峯又五馬峯亦在縣東南

志云縣捍門山也五峯列峙如馬縣南諸山皆趨

大海

峯突起高聳海上

渡洋會藍田之水而入一自埔村港經埔門徑至

白瓠山而入其海潮之入於縣境者有五一自南

穹窿溪

門溪一自東橋渡一自金垂田

境合西五里上自金垂田

東為穹窿溪又環溪在縣西百二十里亦出古田

縣界雙溪夾拱周圍環繞至穹窿巖合流為天柱

窟又東為泛尾經赤鑑湖至埔門下達於海○外

渺溪在縣北百十里源出政和縣界自漁滄而下

花洲及縣東北十五里之合掌灘又東至銅鏡金

垂入於海又有油溪在縣西北二十里源出古田

竹林潭至溪口村同
出三嶼之左匯於海

飛鸞溪

在縣南飛鸞嶺下源出羅源縣境流入縣界
經三嶼東與油溪同入於海又官井洋在縣
東尾崎山下志云源出浙江龍泉縣界東流數百
里至斜灘又東過福安縣北又東流入縣界合松
潭溪又東會

赤鑑湖

在縣西南一名西陂宋里人林桂築堤鑿堰
以灌田後陷於海尋濬為湖上通穹窿溪下
達埔門又周仙湖在縣西百餘里接古田縣界相
傳昔有周仙者得道於此上流之水瀦而為湖鄉
田賴以灌漑城東又有東湖宋令李澤民以山高
水迅堤而湖之起附馬塘歷酒嶼歷金甌延岫至
藍岫由是早澇有備民號李公堤又水南湖在縣
東北之桐鏡村瀦水不竭可資灌溉○午日潭在
縣西六十里四山峻凌霄中有三潭巖頭瀑布
千尋瀉入潭中而濛密不見天日惟正午之時日
方臨照故名潭志云縣北百二十里有拒州
水極險惡難渡居民強悍以販鹽為業

讀史方輿
紀要

卷九十六

福建二

聖

敷文閣

麻嶺鎮

縣北百二十里涵村有東洋麻嶺巡司元時
本置於縣北二百餘里之東洋明朝因之宣
德中移於今所志云今司治雲浚門在縣東北二
十餘里又有東洋鎮即元時巡司故址嘉靖四十
年倭變東洋民乘亂肆掠議者以東洋地僻民頑
請設行縣於周墩分三簿一員駐其地今因之

長崎鎮

縣東五十里黃岐過江而北有路達安福縣又自
鎮東北行十五里程記寧德縣東四十里地名大梨嶺
頭又十里至黃岐過江而北有路達安福縣又自
鎮東北行十五里程記寧德縣東四十里地名大梨嶺
里卽州東門或曰此

三縣砦

縣東三十里宋初建砦於三嶼卽此處也元
豐初移置於蛇崎山界福安福寧二縣界因
名洪武二十一年移於福寧之松山尋廢又埔村
在縣東北三十餘里洪武初設稅課局於此尋廢

寧川驛

在縣北七十里寶豐公館在縣西北二百二
泉驛於此紹興間以風濤險惡而罷今縣有中移飛
公館在縣北七十里寶豐公館在縣西北二百二

十里即宋之寶豐銀場也

福安縣

州西北二百里南至寧德縣二百里西北至建

十元唐長溪縣地宋淳祐四年析置福安縣治韓陽

正德初始築磚城嘉靖三十七年倭警增修工未

及畢明年城陷因復修築倭復至不能陷萬曆九年

城圯於水尋復營治而展其東面并築壩於城西以

過水二十七年復營治而舊制周圍五里編戶三十六里

嘉靖間倭陷城議者以城曠難守載出之萬歷

九年增拓縣城復環於城內縣治有龜湖山平地

冠山四時雲氣蒸鬱青翠不改下有流泉○城山

在縣西南十五里唐末鄉民築城於此以避黃巢

之亂因名上靈巖巖下有雙劍水亦曰廉溪

崑崙山民居西北四十里高聳萬仞上有天池池畔多

下為穆洋亦曰穆溪○仙境山在縣北二百十里

峯巒峭拔怪石嵯峨巖洞寬豁石門封固蓋神仙窟宅云

牛嶺在縣西二十餘里志云山界寧德通延建其高

路之會又隘口為戍守處又有大萊嶺在

縣東南百餘里為盜賊淵藪有民兵屯守

雙巖嶺縣東南百二十里宋建炎間韓世忠討建寇

里當往來之道志云縣東南五十里有百辟巖相

傳宋少帝航海入閩集勤王之師於此因名○巖

湖嶂在縣北四十里高廣皆數十仞其平如掌容

數百人半巖有穴亦容數十人下有湖名曰巖湖

又鐵仙嶂在縣西北有三峯時秀林木陰森亦縣之勝也

海

與福寧州寧德縣相接

六印江縣南百里流合六印江其下流為甘棠港志云

高聳如鳳舞名翔鳳峯又有獅子巖噴頭巖諸勝

紀要 讀史方輿 卷九十六 福建二 聖 敷文閣

港在縣東南百六十里一名黃崎港與六印江相連先有巨石屹立波間舟多覆溺唐乾寧五年王審知欲鑿之忽風雨大作別開一港甚便舟楫闕人以審知德政所致名曰甘棠港下流出福寧州門入海

長溪

在縣西北源出浙江慶元縣界自東北來者為東溪自西北來者為西溪二縣匯流為交溪又

東南流為長溪繞流縣郭亦謂之環溪又東南入州境達於海遠近諸溪澗水悉流合焉志云縣南境有三港口自三港口而下為蘇江六印江甘棠港芭蕉洋古鎮門皆江也出古鎮門則為海自三港口而上則皆溪矣○平溪在縣西北五十里自壽寧縣流入境合乎東溪又秦溪在縣東五里源出福寧州西北境之鍾龍井南流入長溪又穆溪在縣西南三十里源出政和縣界流入長溪又白石溪流合焉又東會於廉溪志云廉溪在縣南五十里上接穆溪為三港口匯羣溪以入於海又有大梅溪在縣東南四里亦入廉溪

讀史方輿紀要

卷九十六

福建二

畧

敷文閣

白石鎮

縣北七十里有巡司成化八年置有城嘉靖中移置於縣南百五十五里黃崎鎮志云黃崎

鎮唐咸通中置後廢宋熙寧五年復置崇寧三年并置權務於此嘉熙四年廢嘉靖中以寧德縣之長崎為黃崎鎮而改黃崎為白石巡司設有城堡監司行部駐節於此○漁洋巡司在縣北九十里元置明初因之景泰六年廢又幸嶺巡司在縣南二百餘里近寧德縣之飛鸞渡宋置元廢

白沙務

縣南二十五里宋紹興二年置尋罷志云縣

麻港西轄童鏡港中轄甘棠港宋熙寧五年行市易法以風濤險惡商舟艱於駐泊乃移置於黃崎鎮又稅課務在縣西南三里洪武三年建宣德中省○下邳驛在縣東十里又黃崎驛在縣西南三十里俱宋置今廢

附見

福寧衛

在州治東洪武二十年建領所一○守禦大金千戶所在州南八十里海濱亦洪武二十

年建舊為巡司尋改千戶所築城
周三里有奇永樂以後不時修築

讀史方輿
紀要

卷九十六

福建二

四

敷文閣

讀史方輿紀要卷九十六終